



ს ა ქ ა რ თ ვ ე ლ ო
ახმეტის მუნიციპალიტეტის საკრებულო



ოქმი: ო87.8722215001

თარიღი: 03/08/2022

ახმეტის მუნიციპალიტეტის საკრებულოს

ბიუროს სხდომა

ოქმი №7

ქ. ახმეტა 27 ივლისი, 2022 წელი

სხდომის თავმჯდომარე: იოსები ქარუმაშვილი- ახმეტის მუნიციპალიტეტის საკრებულოს თავმჯდომარე

სხდომას ესწრებოდნენ: დ. ავაზაშვილი, გ. ონიაშვილი, გ.ქიბროწაშვილი,

გ. შაშიაშვილი, კ. მამულაშვილი,

ბ. კაიშვილი, ზ.ფიცხელაური, რ.გახუაშვილი ,

შ.ტერტერაშვილი

სხდომა გაიხსნა 11⁰⁰ საათზე.

სხდომის თავმჯდომარე იოსები ქარუმაშვილმა გახსნა სხდომა და ბიუროს წევრებს გააცნო დღის წესრიგი.

დღის წესრიგი:

1. „ახმეტის მუნიციპალიტეტის საკრებულოს რეგლამენტის დამტკიცების შესახებ“ ახმეტის მუნიციპალიტეტის საკრებულოს 2022 წლის 2 მარტის №26 დადგენილებაში ცვლილების შეტანის თაობაზე;

/მომხსენებელი - გელა შაშიაშვილი/

2. „ახმეტის მუნიციპალიტეტის სიმბოლოების - გერბის და დროშის დამტკიცების შესახებ“ ახმეტის მუნიციპალიტეტის საკრებულოს 2011 წლის 30 ნოემბრის №49 დადგენილებაში ცვლილების შეტანის თაობაზე;

/მომხსენებელი - გელა შაშიაშვილი/

3. ახმეტის მუნიციპალიტეტის მერიის დებულების დამტკიცების შესახებ;

/მომხსენებელი - თინათინ შათირიშვილი/

4. ახმეტის მუნიციპალიტეტის ტერიტორიაზე ადგილობრივი მოსაკრებლების ოდენობის განსაზღვრის შესახებ;

/მომხსენებელი - თინათინ შათირიშვილი/

5. ქალაქ ახმეტაში მდებარე სასოფლო-სამეურნეო დანიშნულების მიწის ნაკვეთის განმეორებითი ელექტრონული აუქციონის წესით, 30%-იანი ფასდაკლებით სარგებლობაში გადაცემის წლიური ქირის საწყისი საფასურის დამტკიცების შესახებ;

/მომხსენებელი - თეიმურაზ შაშიაშვილი/

6. ახმეტის მუნიციპალიტეტის საკუთრებაში არსებული, ქვ. ალვანში მდებარე ფენბურთის მოედნის (20026.0კვ.მ. არასასოფლო-სამეურნეო დანიშნულების მიწა) ა(ა)იპ „საფენბურთო კლუბი თუშეთი“- სათვის პირდაპირი განკარგვის წესით, უსასყიდლო უზუფრუქტის ფორმით გადაცემის თაობაზე თანხმობის მიცემის შესახებ;

/მომხსენებელი - თეიმურაზ შაშიაშვილი/

7. ახმეტის მუნიციპალიტეტის საკუთრებაში არსებული საკობიანოს ადმინისტრაციული შენობის მეორე სართულზე მდებარე 30.23კვ.მ სამუშაო ფართის ა(ა)იპ „ეთნოგრაფიული და ეთნიკური ჯგუფების განვითარებისთვის“ პირდაპირი განკარგვის წესით, უსასყიდლო უზუფრუქტის ფორმით გადაცემის თაობაზე თანხმობის მიცემის შესახებ;

/მომხსენებელი - თეიმურაზ შაშიაშვილი/

სხდომის თავმჯდომარემ კენჭი უყარა დღის წესრიგს

10 - მომხრე;

მიღსმინეს: „ახმეტის მუნიციპალიტეტის საკრებულოს რეგლამენტის დამტკიცების შესახებ“ ახმეტის მუნიციპალიტეტის საკრებულოს 2022 წლის 2 მარტის №26 დადგენილებაში ცვლილების შეტანის თაობაზე;

მომხსენებელმა გააცნო საკითხი ბიუროს დამსწრე წევრებს: საკრებულოს რეგლამენტში ცვლილებების საჭიროება გამოწვეულია რეგლამენტის 51-ე მუხლით მოწესრიგებული ერთ-ერთი საკითხის - საკრებულოს რიგგარეშე სხდომის თავმჯდომარეობის შესაბამისობაში მოყვანის საჭიროებით „ადგილობრივი თვითმმართველობის კოდექსის“ 26-ე მუხლის მე-4 პუნქტის შინაარსთან.

რეგლამენტის თანახმად, **თუ საკრებულოს თავმჯდომარე და მისი არცერთი მოადგილე არ გამოცხადდა, რიგგარეშე სხდომას თავმჯდომარეობს საკრებულოს სხდომაზე დამსწრე წევრთაგან უზუფესი.** კოდექსის შემოაღნიშნული ნორმა კი ასეთ დანაწესს არ ითვალისწინებს.

პროექტი განხილულია საკრებულოს იურიდიულ საკითხთა კომისიის სხდომაზე.

კითხვები და შენიშვნები არ ყოფილა.

სხდომის თავმჯდომარემ კენჭი უყარა საკითხის საკრებულოს სხდომაზე გატანას

10 - მომხრე

მიღსმინეს: „ახმეტის მუნიციპალიტეტის სიმბოლოების - გერბის და დროშის დამტკიცების შესახებ“ ახმეტის მუნიციპალიტეტის საკრებულოს 2011 წლის 30 ნოემბრის №49 დადგენილებაში ცვლილების შეტანის თაობაზე;

მომხსენებელმა გააცნო საკითხი ბიუროს წევრებს: რაც შეეხება მუნიციპალიტეტის სიმბოლოების დამტკიცების შესახებ საკრებულოს 2011 წლის 30 ნოემბრის №49 დადგენილებას, მასში ცვლილების

შედეგად ზუსტდება პრეამბულაში მითითებული საკანონმდებლო აქტები, კერძოდ, ემატება „ადგილობრივი თვითმმართველობის კოდექსის“ მე-8 მუხლის პირველი და მე-2 პუნქტები, ასევე „სახელმწიფო მნიშვნელობის სიმბოლოების შესახებ“ საქართველოს კანონის მე-3 მუხლის პირველი პუნქტი. გარდა ამისა, ხდება დადგენილების მე-2 მუხლის ტექსტის კორექტირება არსებული პრაქტიკის შესაბამისად.

სხდომის თავმჯდომარემ კენჭი უყარა საკითხის საკრებულოს სხდომაზე გატანას

10 - მომხრე;

მოსმინეს: ახმეტის მუნიციპალიტეტის მერიის დებულების დამტკიცების შესახებ;

მომხსენებელმა განმარტა საკითხი: პროექტის მიზანია ახმეტის მუნიციპალიტეტის მერიის დებულების ახლებურად ჩამოყალიბება, რომელშიც გათვალისწინებული იქნება ის ცვლილებები, რომლებსაც საჭიროებს მერიის მოქმედი დებულება.

სხდომის თავმჯდომარემ კენჭი უყარა საკითხის საკრებულოს სხდომაზე გატანას

10 - მომხრე;

მოსმინეს: ახმეტის მუნიციპალიტეტის ტერიტორიაზე ადგილობრივი მოსაკრებლების ოდენობის განსაზღვრის შესახებ;

ნორმატიული აქტის პროექტის მიღების მიზეზი არის ის, რომ საკრებულოს მოქმედი დაგენილება, რომლითაც განსაზღვრულია ადგილობრივი მოსაკრებლების ოდენობა და გადახდის წესი, საჭიროებს ცვლილებებს. წარმოდგენილი დადგენილების პროექტით მოხდება აღნიშნული საკითხის მოქმედი კანონმდებლობის შესაბამისად დარეგულირება. ნორმატიული აქტის პროექტის მიზანია მოქმედი კანონმდებლობის შესაბამისი ადგილობრივი მოსაკრებლების (მშენებლობის, მშენებლობის დაჩქარებული მომსახურების, დასუფთავების და სათამაშო ბიზნესის) ოდენობის განსაზღვრის შესახებ დადგენილების მიღება.

საკრებულოს წევრები დაინტერესდნენ, როგორ შეძლებს მერია მოსაკრებლების მოსახლეობიდან ამოღებას. მომხსენებელმა განმარტა, რომ მიმდინარეობს მოლაპარაკებები სპეციალური პროგრამის შესაძენად, რომელიც იძლევა შესაძლებლობას მოსახლეობას შეატყობინოს გადასახადების შესახებ.

შაქრო ტერტერაშვილმა გამოთქვა აზრი, რომ კარგი იქნება თუ შეიმუშავებენ ზომებს, რის მიხედვითაც შესაძლებელი გახდება არგადახდის შემთხვევაში გადასახადების ამოღება.

მომხსენებელმა აღნიშნა, რომ ამ ეტაპზე არგადახდის შემთხვევაში ერთადერთი საშუალება არის, მიმართონ სასამართლოს.

სხდომის თავმჯდომარემ კენჭი უყარა საკითხის საკრებულოს სხდომაზე გატანას

9 - მომხრე;

1 - წინააღმდეგი;

მოსმინეს: ქალაქ ახმეტაში მდებარე სასოფლო-სამეურნეო დანიშნულების მიწის ნაკვეთის განმეორებითი ელექტრონული აუქციონის წესით, 30%-იანი ფასდაკლებით სარგებლობაში გადაცემის წლიური ქირის საწყისი საფასურის დამტკიცების შესახებ;

მომხსენებელმა გააცნო საკითხი ბიუროს წევრებს: პროექტის თანახმად ქალაქ ახმეტაში მდებარე 3632 კვ.მ სასოფლო-სამეურნეო დანიშნულების მიწის ნაკვეთის (საკადასტრო კოდი - 50.04.51.389) განმეორებითი ელექტრონული აუქციონის წესით 30%-იანი ფასდაკლებით სარგებლობაში გადაცემის წლიური ქირის საწყისი საფასური განისაზღვროს - 270 ლარის ოდენობით, ხოლო სარგებლობის უფლებით გადაცემის ვადა განისაზღვროს 5 (ხუთი) წლით.

შეკითხვები და კომენტარები არ ყოფილა.

სხდომის თავმჯდომარემ კენჭი უყარა საკითხის საკრებულოს სხდომაზე გატანას

10 - მომხრე;

მოისმინეს: ახმეტის მუნიციპალიტეტის საკუთრებაში არსებული, ქვ. ალვანში მდებარე ფეხბურთის მოედნის (20026.0კვ.მ. არასასოფლო-სამეურნეო დანიშნულების მიწა) ა(ა)იპ „საფეხბურთო კლუბი თუშეთი“- სათვის პირდაპირი განკარგვის წესით, უსასყიდლო უზუფრუქტის ფორმით გადაცემის თაობაზე თანხმობის მიცემის შესახებ;

მომხსენებელმა გააცნო საკითხი ბიუროს წევრებს: მიეცეს თანხმობა ახმეტის მუნიციპალიტეტის მერიას - განახორციელოს ახმეტის მუნიციპალიტეტის საკუთრებაში არსებული, სოფელ ქვემო ალვანში მდებარე ფეხბურთის მოედნის (20026.0კვ.მ. არასასოფლო-სამეურნეო დანიშნულების მიწა თავისი ინფრასტრუქტურით, - საკადასტრო კოდი 50.03.35.335) ა(ა)იპ „საფეხბურთო კლუბი თუშეთი“-სათვის პირდაპირი განკარგვის წესით, უსასყიდლო უზუფრუქტის ფორმით გადაცემა 2 (ორი) წლის ვადით.

შეკითხვები და კომენტარები არ ყოფილა.

სხდომის თავმჯდომარემ კენჭი უყარა საკითხის საკრებულოს სხდომაზე გატანას

10 - მომხრე;

მოისმინეს: ახმეტის მუნიციპალიტეტის საკუთრებაში არსებული საკობიანოს ადმინისტრაციული შენობის მეორე სართულზე მდებარე 30.23კვ.მ სამუშაო ფართის ა(ა)იპ „ეთნოგრაფიული და ეთნიკური ჯგუფების განვითარებისთვის“ პირდაპირი განკარგვის წესით, უსასყიდლო უზუფრუქტის ფორმით გადაცემის თაობაზე თანხმობის მიცემის შესახებ;

მომხსენებელმა განმარტა საკითხი: მიეცეს თანხმობა ახმეტის მუნიციპალიტეტის მერიას - განახორციელოს საკობიანოს ადმინისტრაციული შენობის (საკადასტრო კოდი - 50.05.33.092) მეორე სართულზე მდებარე 30.23 კვ.მ ფართობის ა(ა)იპ „ეთნოგრაფიული და ეთნიკური ჯგუფების განვითარებისთვის“ (საიდენტიფიკაციო კოდი - 424618382) პირდაპირი განკარგვის წესით უსასყიდლო უზუფრუქტის ფორმით, 2 (ორი) წლის ვადით გადაცემა.

შეკითხვები და კომენტარები არ ყოფილა.

სხდომის თავმჯდომარემ კენჭი უყარა საკითხის საკრებულოს სხდომაზე გატანას

10 - მომხრე;

ბიუროს სხდომა დაიხურა 12¹⁰ საათზე.

იოსები ქარუმაშვილი

ახმეტის მუნიციპალიტეტის საკრებულო-საკრებულოს თავმჯდომარე

გამოყენებულია კვალიფიციური ელექტრონული ხელმოწერა/ ელექტრონული შტამპი

